



ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ ԳԼԽԱՎՈՐ
ՔԱՐՏՈՒՂԱՐ ԴՈԿՏ. ՖԻԼԻՊ ՓՈԹԵՐԻ ԱՅՏԵԼՈՒԹՅՈՒՆԸ
ՄԱՅՐ ԱԹՈՒ Ս. ԷԶՄԻԱԾԻՆ

Սույն թվականի մայիսի 12-ին երկօրյա այցով Մայր Աթոռ ժամանեց Եկեղեցիների Համաշխարհային Խորհրդի գլխավոր քարտուղար դոկտ. Ֆիլիպ Փոթերը:

«Զվարթնոց» օդանավակայանում մեծարգո հյուրին դիմավորեցին և բարի գալուստ մաղթեցին Վրաստանի հայոց թեմի առաջնորդ Ս. Գևորգ եպս. Սերայդարյանը, հոգեվոր ձեմարանի փոխտեսուչ Ս. Հայկապուն վարդապետ Նաջարյանը, Գերագույն Հոգևոր Խորհրդի անդամ Հովհաննես Թոփուպյանը և Մայր Աթոռի միջեկեղեցական հարաբերությունների բաժնի ընդհանուր քարտուղար Պարզև Հաիբապյանը:

Օդանավակայանում դոկտ. Ֆիլիպ Փոթերին դիմավորեցին և բարի գալուստ մաղթեցին նաև Հայկ. ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ տիար Ռուբեն Պարսամյանը և տեղակալ Անդրանիկ Հասարայանը:

Ժամը 17-ին Ս. Էջմիածնի Վեհարանում, ի բացակայության Ս. Ս. Վազգեն Ա Ամենայն Հայոց կաթողիկոսի, ԵՀԽ-ի գլխավոր քարտուղարին ընդունեց և Նորին Սրբության անունից ջերմորեն ողջունեց Գերագույն Հոգեվոր Խորհրդի ատենապետ Ս. Սիոն արքեպիսկոպոս Մանուկյանը: Ապա հարգարժան հյուրի և Ս. Սիոն արքեպիսկոպոսի միջև տեղի ունեցավ պրոպոզիցիոն եղբայրական ջերմ ու սրտագին մթնոլորտում: Զրույցի վերջում դոկտ. Ֆիլիպ Փոթերը Ս. Սիոն արքեպիսկո-

պոսին խնդրեց իր հարգալից եղբայրական պզգոտները փոխանցել Ամենայն Հայոց Հայրապետին:

Ժամը 18-ին դոկտ. Փոթերը այցելեց հոգևոր ձեմարան և հանդիպում ունեցավ ձեմարանի տեսչության, դասախոսական կապի և ուսանողության հետ: ձեմարանի հանդիսաւարահում, հանուն ձեմարանի տեսչության, դասախոսական կապի և ողջ ուսանողության, մեծարգո հյուրի գալուստը ջերմ խոսքերով ողջունեց Ս. Հայկապուն վարդապետ Նաջարյանը: Այնուհետև գործադրության դրվեց գեղարվեստական հանկիրձ մի հայտագիր: Կատարվեցին մի շարք հոգևոր երգեր ու շարականներ ուսանողության կողմից: Հանդիպման վերջում ձեմարանի ուսանողներին ողջված խրատական շինիչ խոսքով հանդես եկավ դոկտ. Ֆիլիպ Փոթերը:

Ժամը 19-ին Մայր տաճարում ԵՀԽ-ի գլխավոր քարտուղարը ներկա եղավ երեկոյան հանդիսավոր ժամերգությանը: Ավելի ուշ այցելեց Ծիծեռնակաբերդ, ծաղիկներ վետեղեց Հայ նահատակաց հուշարձանին և անմար կրակի շուրջ աղոթեց 1915 թվականի ցեղասպանությանը պոհ գնացած քրիստոնյա հայերի հոգիների խաղաղության համար:

Հետևյալ օրը, առավոտյան ժամը 10-ին, Վեհարանի ընդունարանում տեղի ունեցավ Էկումենիկ հանդիպում ԵՀԽ-ի գլխավոր քարտուղարի հետ: Հանդիպմանը մասնակցեցին Ս. Սիոն արքեպիսկոպոսը, Ս. Գևորգ եպիս-



Դոկտ. Ֆիլիպ Փոթերը Վեհաբանում

կոպոսը, Տ. Հայկապուն վարդապետը, պրն. պրն. Հովհաննես Թովուպյանը և Պարզև Շահբապյանը: Հանդիպման ընթացքում շոշափվեցին Եկեղեցիների միությունական շարժման հետ առնչվող մի շարք ընդհանուր հարցեր, ինչպես նաև ԵՀԽ-ի գործունեության շրջանակում Հայ Եկեղեցու հետագա գործակցության վերաբերյալ խնդիրներ:

Նույն օրը, երեկոյան ժամը 18.30-ին, Երեվանի «Հրապրան» հյուրանոցի կինոսրահում դոկտ. Ֆիլիպ Փոթերը ներկա եղավ 1976 թվականին Ս. Էջմիածնում տեղի ունեցած մյուռնոսրինության և Հայոց Հայրապետի գահակալության 20-ամյակի տոնակատարության առթիվ նկարահանված փաստագրական կինոժապավենների ցուցադրմանը:

Ժամը 19.30-ին նույն հյուրանոցում Հայկ. ՍՍՀ Մինիստրների խորհրդին առընթեր Հայ Եկեղեցու գործերի խորհուրդը, ի պատիվ Մայր Աթոռի մեծարգո հյուրի, տվեց պաշտոնական ճաշկերույթ, որի ընթացքում խորհրդի նախագահի և ԵՀԽ-ի գլխավոր քարտուղարի միջև փոխանակվեցին բաժակաճառեր:

Մայր Աթոռում գտնվելու օրերին դոկտ. Ֆիլիպ Փոթերը ծանոթացավ մայրավանքի ու նրա շրջակայքում գտնվող պատմական հուշարձաններին, այցելեց Մայր Աթոռի թանգարանները, այդ թվում նաև նորակառույց «Ալեք և Մարի Մանուկյան զանաձատուն», Երևանում եղավ Ս. Մեսրոպ Մաշտոցի անվան Մատենադարանում, մեկնեց Գառնի և ապա Ս. Գեղարդ վանք, ուր ջերմորեն հյուրընկալվեց վանահոր կողմից:

Մայիսի 14-ի առավոտյան Մայր Աթոռի հարգելի հյուրին ճանապարհելու համար «Էրեբունի» նորակառույց օդանավակայան էին եկել Տ. Գևորգ եպիսկոպոս Սերայդարյանը, Տ. Հայկապուն վարդապետ Նաջարյանը, պրն. պրն. Հովհաննես Թովուպյանը և Պարզև Շահբապյանը:

Օդանավակայանում դոկտ. Ֆիլիպ Փոթերը երախտագետ զգացումներով հրաժեշտ տվեց բոլորին և մեկնեց Թբիլիսի, ուր պաշտոնական հյուրը կլինի Վրաց Օրթոդոքս Եկեղեցու պետ Նորին Սրբություն Տ. Իլիա Բ Պատրիարք-կաթողիկոսի:

